

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Islahijet bb, telefon 049 218-220, faks 049 490-276
Ислахијет бб, телефон 049 218-220, факс 049 490-276
www.revizija-bd.ba

Broj: 01-02-03-13-162/18
R: 07-03; 010-03/18

IZVJEŠTAJ O REVIZIJI FINANSIJSKOG POSLOVANJA
Ureda gradonačelnika Brčko distrikta BiH
za period 01.01.-31.12. 2017. godine

Brčko, maj 2018. godine

SADRŽAJ

NEOVISNO REVIZORSKO MIŠLJENJE	3
1. REZIME DATIH PREPORUKA.....	5
2. UVOD	7
3. OPŠTI DIO.....	7
4. PREDMET CILJ I OBIM REVIZIJE	8
5. OSVRT NA NALAZE I PREPORUKE IZ PRETHODNE REVIZIJE.....	8
6. NALAZI I PREPORUKE.....	10
6.1. Rukovodstvo i sistem internih kontrola	10
6.2. Usklađenost sa zakonskim propisima	11
6.3. Plan i program rada i realizacija predviđenih zadataka	12
6.4. Planiranje i izvršenje tekućeg budžeta	13
6.4.1. Izdaci za bruto plate.....	13
6.4.2. Izdaci za prevoz i dnevnice za službeno putovanje u inostranstvu	13
6.4.3. Izdaci za stručno usavršavanje.....	14
6.4.4. Izdaci po osnovu ugovora o angažovanju lica radi obavljanja posebnih poslova ...	14
6.4.5. Tekući grantovi.....	16
6.5. Planiranje i izvršenje kapitalnog budžeta.....	17
7. POPIS SREDSTAVA, POTRAŽIVANJA I OBAVEZA	17
8. KOMENTAR	18
9. PRILOZI IZVJEŠTAJA O REVIZIJI	19

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Islahijet bb, telefon 049 218-220, faks 049 490-276
Ислахијет бб, телефон 049 218-220, факс 049 490-276
www.revizori-bd.ba

URED GRADONAČELNIKA BRČKO DISTRIKTA BiH
n/r Gradonačelnika

NEOVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Ureda gradonačelnika Brčko distrikta BiH (u daljem tekstu: Ured gradonačelnika) za period **01.01.-31.12.2017.** godine, te reviziju usklađenosti poslovanja sa važećim zakonskim i drugim relevantnim propisima.

Odgovornost rukovodstva

Gradonačelnik je odgovoran za finansijsko poslovanje Ureda gradonačelnika i usklađenost poslovanja sa važećim zakonskim i drugim relevantnim propisima. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju, kao i primjerenost ponašanja rukovodnog osoblja nad sredstvima i imovinom koja mu je data na upravljanje.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH ("Službeni glasnik Brčko distrikta BiH" broj 40/08, 29/14 i 23/16) i primjenjivim okvirom ISSAI revizijskih standarda (Službeni glasnik Brčko distrikta BiH, broj 3/15). Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno sa važećim zakonskim i drugim relevantnim propisima.

Revizija uključuje sprovođenje postupaka u cilju pribavljanja revizorskih dokaza o usklađenosti finansijskog poslovanja. Izbor postupaka je zasnovan na revizorskom prosuđivanju, uključujući procjenu rizika materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za finansijsko poslovanje, u cilju osmišljavanja revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Osnov za izražavanje mišljenja

Nakon obavljene revizije finansijskog poslovanja, skrećemo pažnju na slijedeće:

- Ured gradonačelnika je tokom godine angažovao fizička lica po osnovu ugovora o obavljanju posebnih poslova, a da pri tome Planom i programom rada nije utvrdio potrebe, uspostavio normativne i organizacione pretpostavke u cilju transparentnog angažovanja i načina utvrđivanja iznosa naknada, kao ni definisanje obveznika uplate doprinosa za osiguranje od povrede na radu i profesionalnog oboljenja. Isplaćene naknade po osnovu ugovora o obavljanju posebnih poslova iznosile su 294.216,01 KM (detaljnije obrazloženo u tački 6.4.5. ovog Izvještaja).
- Pojedininim korisnicima granta koji nisu namjenski utrošili dodijeljena sredstva u prethodnoj godini (u najmanjem iznosu od 226.606,00 KM) u skladu sa svojim programima, a istima je Ured gradonačelnika odobrio grant u 2017. godini u iznosu od 630.194,00 KM, što nije u skladu sa odredbama Odluke o kriterijima za dodjelu grantova gradonačelnika Brčko distrikta BiH i Naredbe gradonačelnika (detaljnije obrazloženo u tački 6.4.5. ovog Izvještaja).

Mišljenje s rezervom

Po našem mišljenju u finansijskom poslovanju Ureda gradonačelnika u toku 2017. godine, osim efekata navoda u prethodnoj tački, nije bilo značajnih neusaglašenosti s važećom zakonskom regulativom i odobrenim pozicijama budžeta.

Zamjenici glavnog revizora
Amra Ilić, dipl. oec.

Glavni revizor
Nekir Suljagić, dipl. oec.

Mr. sci. Savo Grujić, dipl. oec.

1. REZIME DATIH PREPORUKA

- *Potrebno je vršiti dosljednu primjenu zakonskih i podzakonskih akata, radi uspostavljanja sistema internih kontrola i usklađenosti poslovanja sa zakonskim propisima.*
- *Potrebno je da Ured gradonačelnika u roku predviđenim odredbama Zakona o reviziji javne uprave i institucija u Brčko distriktu BiH, dostavi Uredu za reviziju Program mjera za prevazilaženje propusta i nepravilnosti utvrđenih u revizorskom izvještaju.*
- *Potrebno je, da Ured gradonačelnika preduzima aktivnosti na otklanjanju propusta i nepravilnosti utvrđenih u revizorskim izvještajima finansijskog poslovanja prethodnih godina.*
- *Potrebno je da Inspektorat u skladu sa odredbama Zakona o sigurnosti i zaštiti zdravlja radnika na radu izradi navedene pravilnike, te da iste predloži Vladi Brčko distrikta BiH na usvajanje.*
- *Potrebno je, da Ured gradonačelnika vrši objavljivanja akata gradonačelnika u skladu sa odredbama Zakona o vladi Brčko distrikta Bosne i Hercegovine i Zakona o Službenom glasniku Brčko distrikta Bosne i Hercegovine.*
- *Potrebno je, da Vlada Distrikta blagovremeno odobri Program rada Vlade, kako bi se stvorili uslovi da gradonačelnik isti podnese Skupštini u roku koji je propisan odredbama Statuta Brčko distrikta BiH.*
- *Potrebno je, da organizacioni dijelovi Ureda gradonačelnika blagovremeno i kontinuirano poduzimaju aktivnosti na realizaciji ciljeva, odnosno programskih zadataka, koji su predviđeni Programom rada za 2017. godinu.*
- *Potrebno je, Plan i program rada sačiniti na način da sadrže konkretne aktivnosti, obim i dinamiku realizacije zadataka, što je neophodno za ostvarivanje postavljenih ciljeva.*
- *Potrebno je, povrat neutrošene akontacije izvršiti na dan sačinjavanja izvještaja o službenom putovanju, odnosno u roku koji je regulisan Odlukom gradonačelnika, o vrsti i visini naknada troškova službenog putovanja u organima javne uprave Brčko distrikta BiH.*
- *Potrebno je izdatke za stručno usavršavanje planirati i izvršavati na osnovu prethodno iskazanih potreba za stručnim usavršavanjem i njihovim uključivanjem u godišnji program stručnog usavršavanja službenika, u skladu sa odredbama Zakona o državnoj službi u organima javne uprave Brčko distrikta BiH i Pravilnika o stručnom usavršavanju i obrazovanju u organima uprave Brčko distrikta BiH.*

- *Potrebno je donijeti pisane procedure i kriterije koji bi regulisali način angažovanja lica za obavljanje posebnih poslova i visinu naknade za obavljanje istih, kako bi se osiguralo načelo transparentnosti.*
- *Potrebno je, da ugovori o obavljanju posebnih poslova sadrže sve elemente propisane članom 14 Pravilnika o radu službenika i namještenika u organima javne uprave Brčko distrikta BiH, u dijelu definisanja vrste posla i načina njegovog izvršenja.*
- *Potrebno je, prilikom angažovanja lica za obavljanje posebnih poslova, dosljedno poštivati odredbe Zakona o državnoj službi u organima uprave Brčko distrikta BiH i Pravilnika o radu službenika i namještenika u organima javne uprave Brčko distrikta BiH, u dijelu angažovanja lica na poslove za koje ne postoje predviđena radna mjesta.*
- *Potrebno je prilikom zaključivanja ugovora, u okviru visine naknade, odrediti obveznika uplate doprinosa za osiguranje od povrede na radu i profesionalnog oboljenja i obezbijediti njeno izvršenje.*
- *Potrebno je, da Ured gradonačelnika dodjeljuje grantove podnosiocima zahtjeva u skladu sa odredbama Odluke o kriterijima za dodjelu grantova gradonačelnika Brčko distrikta BiH i Naredbe gradonačelnika.*
- *Potrebno je, Izvještaj o izvršenom popisu stalnih sredstava, sitnog inventara i zaliha materijala, dostaviti Centralnoj popisnoj komisiji u roku koji je propisan odredbama Uputstva o radu popisnih komisija i obavljanju popisa sredstava, potraživanja i obaveza.*

2. UVOD

Obavili smo reviziju finansijskog poslovanja Ureda gradonačelnika, na osnovu ovlaštenja datih Zakonom o reviziji javne uprave i institucija u Brčko distriktu BiH i drugim relevantnim propisima, kao i na osnovu godišnjeg plana revizija.

3. OPŠTI DIO

Ured gradonačelnika u skladu s članom 19 Zakona o javnoj upravi Brčko distrikta BiH obavlja: poslove iz statutarne i zakonodavne nadležnosti gradonačelnika, zamjenika gradonačelnika i glavnog koordinatora Vlade, planiranje rada Vlade, provođenje strategije razvoja Brčko distrikta BiH, nadzor nad radom Ureda, nadzor nad provođenjem politike Vlade i godišnjih planova rada, pripreme sjednica Vlade, komunikaciju između organa javne uprave i komunikaciju s javnošću, stručne i administrativne poslove za potrebe Vlade, pripremu, koordinaciju pripreme i izrade nacrtu zakona, odluka, instrukcija, pravilnika i drugih podzakonskih i opštih akata, vođenje drugostepenog upravnog postupka, reformu javne uprave Brčko distrikta BiH, vođenje postupka po žalbama i pritužbama građana, proces evropskih integracija i regionalne saradnje, njegovanje zaštite ljudskih prava, planiranje i provođenje inspekcijanskog nadzora, provođenje politike i postupaka zapošljavanja u javnoj upravi, primjenu standarda i pravila etike u javnoj upravi, upravni nadzor i informatičku podršku Vladi Brčko distrikta BiH.

Organizacionim planom utvrđuje se unutrašnja organizacija Ureda gradonačelnika na način kojim se osigurava:

- zakonito, efikasno, blagovremeno i ekonomično izvršavanje svih poslova iz nadležnosti Ureda gradonačelnika,
- ostvarivanje pune zaposlenosti zaposlenika i maksimalno korištenje njihovih stručnih znanja i potpune odgovornosti izvršilaca i
- efikasno rukovođenje, sistematsko unapređivanje rada, saradnja s drugim odjeljenjima i informisanje javnosti.

Za izvršavanje poslova iz nadležnosti Ureda gradonačelnika, u skladu sa Organizacionim planom, utvrđeni su slijedeći organizacioni dijelovi:

- Kabinet gradonačelnika,
- Sekretarijat Vlade:
 - Sektor za informisanje i
 - Sektor za koordinaciju politika i opšte poslove
- Zakonodavna kancelarija,
- Inspektorat,
- Apelaciona komisija,
- Odbor za zapošljavanje,
- Upravna inspekcija i
- Kancelarija za evropske integracije

Organizacionim planom predviđeno je ukupno 154 zaposlenika, a na dan 31.12.2017. godine Ured gradonačelnika imao je 124 zaposlenika.

4. PREDMET CILJ I OBIM REVIZIJE

Predmet revizije je finansijsko poslovanje u 2017. godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja sa zakonskim i drugim relevantnim propisima.

Cilj revizije finansijskog poslovanja Ureda gradonačelnika je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa cjelokupnom zakonskom važećom regulativom Brčko distrikta BiH, kao i planiranim pozicijama budžeta. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Revizija informiše javnost, nadležne organe i institucije o nalazima i preporukama, pravovremenim i javnim objavljivanjem revizorskog izvještaja.

Obim revizije je utvrđen internim planskim dokumentima revizije finansijskog poslovanja za 2017. godinu.

Obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

5. OSVRT NA NALAZE I PREPORUKE IZ PRETHODNE REVIZIJE

Ured za reviziju javne uprave i institucija u Brčko distriktu BiH (u daljem tekstu: Ured za reviziju), izvršio je reviziju finansijskog poslovanja Ureda gradonačelnika za 2016. godinu i dostavio konačan Izvještaj broj: 01-02-07-13-277/17, od 20.06.2017. godine. Ured gradonačelnika je dana 03.08.2017. godine, sačinio Program mjera za prevazilaženje propusta i nepravilnosti utvrđenih u revizorskom Izvještaju za 2016. godinu.

Članom 17 stav 2 Zakona o reviziji javne uprave i institucija u Brčko distriktu BiH je propisano, da je revidirana institucija u roku od 30 dana od dana prijema revizorskog izvještaja dužna Uredu za reviziju dostaviti program mjera za prevazilaženje propusta i nepravilnosti utvrđenih u revizorskom izvještaju.

Ured gradonačelnika nije u roku od 30 dana dostavio Uredu za reviziju navedeni Program mjera, što nije u skladu sa odredbama Zakona o reviziji javne uprave i institucija u Brčko distriktu BiH.

Potrebno je da Ured gradonačelnika, u roku predviđenim odredbama Zakona o reviziji javne uprave i institucija u Brčko distriktu BiH, dostavi Uredu za reviziju Program mjera za prevazilaženje propusta i nepravilnosti utvrđenih u revizorskom izvještaju.

Osvrtom na preporuke date u Izvještaju o obavljenoj reviziji za prethodnu godinu, te uvidom u preduzete aktivnosti, utvrdili smo slijedeće:

- **Realizovane preporuke**

Ured gradonačelnika je realizovao preporuke po Izvještaju o obavljenoj reviziji za 2016. godinu, a odnose se na:

- izradu nacrtu strategije za borbu protiv korupcije i akcionog plana u skladu sa Strategijom za borbu protiv korupcije na nivou Bosne i Hercegovine.

- **Djelimično realizovane preporuke**

Ured gradonačelnika je djelimično ispoštovao preporuke date u prethodnom Izvještaju o obavljenoj reviziji, koje se odnose na izradu podzakonskih akata za provedbu Zakona o sigurnosti i zaštiti na radu:

- Pravilnika kojim se propisuje postupak i rokovi preventivnih i periodičnih pregleda i ispitivanja opreme za rad kao i preventivnih i periodičnih ispitivanja uslova radne sredine, odnosno hemijskih, bioloških, fizičkih štetnosti, mikroklima, elektro i gromobrantskih instalacija, osim ionizirajućih zračenja,
- Pravilnika o načinu i postupku procjene rizika na radnom mjestu i u radnoj sredini i
- Pravilnika o sadržaju elaborata o uređenju gradilišta i radilišta.

- **Nerealizovane preporuke**

Ured gradonačelnika nije ispoštovao preporuke date u Izvještaju o obavljenoj reviziji za 2016. godinu, koje se odnose na slijedeće:

- donošenje Zakona o izmjenama i dopunama Zakona o inspekcijama Brčko distrikta BiH,
- donošenje podzakonskih akata neophodnih za primjenu Zakona o javnim preduzećima u Brčko distriktu BiH i
- donošenje strategije stručnog usavršavanja službenika, odnosno namještenika, za period od tri godine u skladu sa odredbama člana 82 stav (1) i (3) Zakona o državnoj službi u organima javne uprave Brčko distrikta BiH.

Takođe, Ured gradonačelnika nije realizovao preporuke po izvještajima o obavljenim revizijama za prethodne tri godine, a koje se odnose na:

- uspostavljanje jedinstvene baze podataka o dodjeli grantova iz usvojenog budžeta,
- primjenu odredbi Zakona o porezu na dohodak, u dijelu utvrđivanja osnovice za obračun poreza,
- održavanje sjednica Vlade Brčko Distrikta BiH, najmanje jedanput sedmično kako je regulisano odredbama člana 52 Statuta Brčko distrikta Bosne i Hercegovine i

- imenovanje članova Komisije za papire od vrijednosti kako je to regulisano članom 53 Zakona o hartijama od vrijednosti u dijelu mogućnosti produženja mandata i ovlaštenja za produženje mandata.

Potrebno je, da Ured gradonačelnika preuzima aktivnosti na otklanjanju propusta i nepravilnosti utvrđenih u revizorskim izvještajima finansijskog poslovanja prethodnih godina.

6. NALAZI I PREPORUKE

6.1. Rukovodstvo i sistem internih kontrola

Radi ostvarenja programskih ciljeva rada, kao i ekonomičnog, efikasnog i efektivnog trošenja javnih sredstava neophodno je imati uspostavljen funkcionalan sistem interne kontrole, koji je odgovornost menadžmenta. Faktor koji najviše utiče na funkcionalnost istog je povoljno kontrolno okruženje koje prvenstveno dolazi do izražaja kroz organizacionu strukturu, način rukovođenja, prenošenje ovlaštenja, vrednovanje rezultata rada, sistem nagrađivanja i poštivanje postojećih zakonskih propisa.

Organizacioni plan Ureda gradonačelnika donesen je dana 17.03.2016. godine u skladu sa Odlukom o kategorizaciji radnih mjesta u organima uprave Brčko distrikta BiH.

Uredom gradonačelnika rukovodi gradonačelnik, Sekretarijatom Vlade Brčko distrikta BiH neposredno rukovodi Sekretar Vlade, Sektorima rukovode šefovi sektora, a odsjecima i službama rukovode šefovi odsjeka odnosno službi, koji raspoređuju poslove na službenike i namještenike, kontrolišu njihov rad i odgovorni su za rad odsjeka odnosno službe.

Izvršili smo procjenu funkcionisanja internih kontrola, kako bismo se uvjerali da li su iste uspostavljene, da li osiguravaju tačnu i potpunu primjenu i usklađenost poslovanja sa zakonskim i podzakonskim aktima, sa naglaskom na funkcionisanju internih kontrola kroz realizaciju programa rada, planiranja i izvršenja budžeta.

Ured gradonačelnika nije obezbijedio pretpostavke za kvalitetno kontrolno okruženje kako bi se rizici u poslovanju sveli na zadovoljavajući nivo, tako da smo u slijedećim slučajevima konstatovali određene propuste:

Program rada Vlade Brčko distrikta Bosne i Hercegovine donesen je sa značajnim kašnjenjem, što nije u skladu sa odredbama Statuta Brčko distrikta Bosne i Hercegovine.

Neobjavljivanje značajnog broja akata Gradonačelnika u Službenom glasniku Brčko distrikta BiH, što nije u skladu sa odredbama Zakona o vladi Brčko distrikta Bosne i Hercegovine i Zakona o Službenom glasniku Brčko distrikta Bosne i Hercegovine.

Vlada nije donijela strategiju i godišnji program stručnog usavršavanja službenika, odnosno namještenika, u skladu sa odredbama Zakona o državnoj službi u organima javne uprave Brčko distrikta BiH.

Pojedini organizacioni dijelovi Ureda gradonačelnika nisu blagovremeno i kontinuirano poduzimali aktivnosti na realizaciji ciljeva, odnosno programskih zadataka, koji su predviđeni Planom i programom rada.

Sačinjavanje plana i programa rada na način da sadrže konkretne aktivnosti, obim i dinamiku realizacije zadataka, što je neophodno za ostvarivanje postavljenih ciljeva.

Angažovanje lica za obavljanje posebnih poslova, a isti se odnose za obavljanje redovnih stručnih poslova iz nadležnosti Ureda gradonačelnika. Konstatujemo da je potreba za angažovanje lica za obavljanje posebnih poslova nastala zbog nepopunjenosti pozicija predviđenih Organizacionim planom Ureda gradonačelnika.

Sredstva grantova udruženjima (neprofitnim organizacijama), nisu odobravana u skladu sa Odlukom o kriterijima za dodjelu grantova Gradonačelnika Brčko distrikta BiH i Naredbom gradonačelnika.

Popisna komisija nije sačinila Izvještaj o izvršenom popisu stalnih sredstava, sitnog inventara i zaliha materijala, u skladu koji je propisan Odredbama člana 7 pod (a) Uputstva o radu popisnih komisija i obavljanju popisa sredstava, potraživanja i obaveza.

Potrebno je vršiti dosljednu primjenu zakonskih i podzakonskih akata, radi uspostavljanja sistema internih kontrola i usklađenosti poslovanja sa zakonskim propisima.

6.2. Usklađenost sa zakonskim propisima

Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 16. redovnoj sjednici održanoj 24. jula 2013. godine, usvojila je Zakon o sigurnosti i zaštiti zdravlja radnika na radu.

Odredbama člana 73 (Podzakonski akti) regulisano je da će Vlada Brčko distrikta BiH, na prijedlog Inspektorata, u roku od šest mjeseci od dana stupanja na snagu navedenog zakona donijeti sljedeće podzakonske akte:

- a. Pravilnik o načinu polaganja stručnog ispita iz sigurnosti i zaštite zdravlja,
- b. Pravilnik o načinu vođenja evidencije iz oblasti sigurnosti i zaštite zdravlja i
- c. Pravilnik o uslovima za izdavanje licenci za obavljanje poslova sigurnosti i zaštite zdravlja.

Provedenom revizijom ustanovili smo, da navedeni pravilnici nisu doneseni, a isti bi bili osnova za regulisanje sistema internih kontrola značajnih procesa rada Inspektorata, kao i preduslov za potpunu primjenu Zakona o sigurnosti i zaštiti zdravlja radnika.

Potrebno je da Inspektorat u skladu sa odredbama Zakona o sigurnosti i zaštiti zdravlja radnika na radu izradi navedene pravilnike, te da iste predloži Vladi Brčko distrikta BiH na usvajanje.

Članom 18 Zakona o vladi Brčko distrikta Bosne i Hercegovine je propisano da se sljedeća akta gradonačelnika objavljuju u Službenom glasniku Brčko distrikta BiH: odluke, pravilnici, uputstva i naredbe. Članom 5 Zakona o Službenom glasniku Brčko distrikta Bosne i Hercegovine je propisano da se u Službenom glasniku objavljuju: Statut, zakoni, odluke i drugi akti koje donese Skupština Distrikta, gradonačelnik i druga tijela Distrikta u skladu sa zakonom kao i drugi akti tijela Distrikta, ako je tim aktom određeno objavljivanje.

U procesu revizije utvrdili smo da značajan broj akata (Kodeks ponašanja inspektora, Pravilnik o sadržaju i načinu vođenju evidencije o inspekcijском nadzoru, Pravilnik o obliku i sadržaju zapisnika o inspekcijском pregledu, Pravilnik o obliku i sadržaju obrasca službene legitimacije inspektora i dr.) Gradonačelnika nije objavljen u Službenom glasniku Brčko distrikta BiH. Neobjavljivanje akata Gradonačelnika nije u skladu sa odredbama Zakona o vladi Brčko distrikta Bosne i Hercegovine i Zakona o Službenom glasniku Brčko distrikta Bosne i Hercegovine.

Potrebno je, da Ured gradonačelnika vrši objavljivanja akata gradonačelnika u skladu sa odredbama Zakona o vladi Brčko distrikta Bosne i Hercegovine i Zakona o Službenom glasniku Brčko distrikta Bosne i Hercegovine.

Članom 10 stav 1 tačka g) Zakona o Vladi Brčko distrikta BiH, propisano je da Vlada Brčko distrikta BiH (u daljem tekstu: Vlada Distrikta) iz svoje nadležnosti odobrava program rada Vlade.

Odredbama člana 58 (Izveštaji i programi rada) Statuta Brčko distrikta BiH, propisano je da na kraju svake kalendarske godine gradonačelnik, pored ostalog, podnosi Skupštini program rada Vlade Distrikta za narednu godinu, koji se sastoji iz planova i programa rada odjeljenja i institucija Brčko distrikta BiH. Iz navedenog proizilazi da je Vlada obavezna donijeti program rada za narednu godinu, prije kraja tekuće godine.

Revizijom smo utvrdili da je Vlada Distrikta, dana 19.04.2017. godine, usvojila Program rada Vlade za 2017. godinu i dostavila Skupštini Brčko distrikta BiH, što nije u skladu sa odredbama člana 58 Statuta Brčko distrikta BiH.

Potrebno je, da Vlada Distrikta blagovremeno odobri Program rada Vlade, kako bi se stvorili uslovi da gradonačelnik isti podnese Skupštini u roku koji je propisan odredbama Statuta Brčko distrikta BiH.

6.3. Plan i program rada i realizacija predviđenih zadataka

Ured gradonačelnika je iz svoje nadležnosti, koje su propisane članom 19 Zakona o javnoj upravi Brčko distrikta BiH („Službeni glasnik Brčko distrikta BiH“, broj: 19/07, 2/08, 43/08 i 9/13), donio Plan i program rada za 2017. godinu dana 20.01.2017. godine. Navedenim planom određeni su ciljevi za sve organizacione dijelove.

U postupku revizije smo utvrdili da nisu završene aktivnosti na realizaciji utvrđenih ciljeva, odnosno, programskih zadataka predviđenih Planom i programom rada za 2017. godinu, koji se posebno odnose na:

- realizaciju Okvirne liste zakona za 2017. godinu predviđenih za I kvartal 2017. godine (Zakon o zaštiti lica koja prijavljuju korupciju u organima javne uprave i institucijama Brčko distrikta BiH),
- izradu registra podzakonskih i opštih akata,
- unapređenje pravila i procedura za izradu zakona, drugih propisa i opštih akata u BiH (reformaska oblast RAP 1).

Planovi i programi rada pojedinih organizacionih dijelova Ureda gradonačelnika (Sekretarijat Vlade, Upravna inspekcija i Apelaciona komisija) ne sadrže konkretne aktivnosti koje će biti provedene da bi se ostvarili postavljeni ciljevi, niti obim i dinamiku realizacije zadataka neophodnih za ostvarivanje postavljenih ciljeva.

Potrebno je, da organizacioni dijelovi Ureda gradonačelnika blagovremeno i kontinuirano poduzimaju aktivnosti na realizaciji ciljeva, odnosno programskih zadataka, koji su predviđeni Programom rada za 2017. godinu.

Potrebno je, Plan i program rada sačiniti na način da sadrže konkretne aktivnosti, obim i dinamiku realizacije zadataka, što je neophodno za ostvarivanje postavljenih ciljeva.

6.4. Planiranje i izvršenje tekućeg budžeta

Tekući izdaci Ureda gradonačelnika za 2017. godinu planirani su u iznosu od 9.186.869,05 KM, a realizovani su u iznosu od 6.277.844,35 KM, odnosno 68,33% odobrenih sredstava, (što je prikazano u Tabeli broj: 1 koja se nalazi u Prilogu izvještaja).

6.4.1. Izdaci za bruto plate

Izdaci za bruto plate odobreni su budžetom u iznosu od 4.087.767,37 KM, a izvršeni su 4.017.436,44 KM ili 98,35%.

6.4.2. Izdaci za prevoz i dnevnice za službeno putovanje u inostranstvu

Izdaci za prevoz i dnevnice po osnovu službenog putovanja u inostranstvo realizovani su u iznosu od 15.458,95 KM.

Odredbama člana 9 stav (3) Odluke gradonačelnika, o vrsti i visini naknada troškova službenog putovanja u organima javne uprave Brčko distrikta BiH, broj: 02-000029/12 od 25.01.2012. godine (u daljem tekstu: Odluka gradonačelnika) regulisano je, da se u roku od sedam dana po završetku službenog putovanja, podnosi izvještaj o službenom putovanju, kao i pravdanje i povrat neutrošene akontacije.

U postupku revizije utvrdili smo, da su za prevoz i dnevnice po osnovu službenog putovanja u inostranstvo uposlenicima Ureda gradonačelnika vršene isplate akontacija u iznosu od

5.600,00 KM, a povrati primljene neutrošene akontacije vršeni su nakon roka sačinjavanja izvještaja o službenom putovanju, što nije u skladu sa odredbama člana 9 stav (3) Odluke gradonačelnika.

Potrebno je, povrat neutrošene akontacije izvršiti na dan sačinjavanja izvještaja o službenom putovanju, odnosno u roku koji je regulisan Odlukom gradonačelnika, o vrsti i visini naknada troškova službenog putovanja u organima javne uprave Brčko distrikta BiH.

6.4.3. Izdaci za stručno usavršavanje

Izdaci za stručno usavršavanje realizovani su u iznosu 13.685,02 KM.

Zakonom o državnoj službi u organima javne uprave Brčko distrikta BiH i Pravilnikom o stručnom usavršavanju i obrazovanju je propisana obaveza donošenja programa stručnog usavršavanja na osnovu podataka o potrebi poboljšanja na određenim područjima rada, dobijenih prilikom ocjenjivanja službenika, odnosno namještenika ili iskazanih potreba za dodatnim edukacijama u skladu sa zahtjevima posla organa uprave, koje se dostavljaju do kraja tekuće godine za narednu godinu.

Ured gradonačelnika nije iskazao i dostavio Odjeljenju za stručne i administrativne poslove potrebe za stručnim usavršavanjem službenika, odnosno namještenika, na osnovu kojih se izrađuje godišnji program stručnog usavršavanja službenika, odnosno namještenika, što nije u skladu sa članom 82 stav (2) Zakona o državnoj službi u organima javne uprave Brčko distrikta BiH i članom 3 Pravilnika o stručnom usavršavanju i obrazovanju u organima uprave Brčko distrikta BiH.

Potrebno je izdatke za stručno usavršavanje planirati i izvršavati na osnovu prethodno iskazanih potreba za stručnim usavršavanjem i njihovim uključivanjem u godišnji program stručnog usavršavanja službenika, u skladu sa odredbama Zakona o državnoj službi u organima javne uprave Brčko distrikta BiH i Pravilnika o stručnom usavršavanju i obrazovanju u organima uprave Brčko distrikta BiH.

6.4.4. Izdaci po osnovu ugovora o angažovanju lica radi obavljanja posebnih poslova

Izdaci po osnovu ugovora o angažovanju lica radi obavljanja posebnih poslova (ugovori o djelu), planirani su u iznosu od 334.000,00 KM, a realizovani su 294.216,01 KM ili 88,09 %.

Zaključivanje pojedinačnih ugovora vršeno je na osnovu Odluke Vlade o davanju saglasnosti, broj: 33-000245/16 od 29.03.2017. godine, za angažovanje izvršioca za obavljanje posebnih poslova.

Članom 46 a) stav 4 Zakona o državnoj službi u organima uprave Brčko distrikta BiH (u daljnjem tekstu: Zakon o državnoj službi) regulisano je, da se naknada za obavljanje posebnih poslova, kao i forma i sadržaj ugovora o obavljanju posebnih poslova propisuju

Pravilnikom o radu službenika i namještenika u organima javne uprave Brčko distrikta BiH (u daljem tekstu: Pravilnik o radu).

Odredbama člana 13 stav 4 Pravilnika o radu regulisano je, da način angažovanja i visinu naknade za obavljanje posebnih poslova utvrđuje rukovodilac organa javne uprave u skladu sa vrstom i obimom poslova.

U postupku revizije utvrdili smo, da ne postoje pisane procedure i kriteriji koji bi regulisali način angažovanja lica za obavljanje posebnih poslova i visinu naknade za obavljanje istih.

Potrebno je donijeti pisane procedure i kriterije koji bi regulisali način angažovanja lica za obavljanje posebnih poslova i visinu naknade za obavljanje istih, kako bi se osiguralo načelo transparentnosti.

Odredbama člana 14 (Forma i sadržaj ugovora o obavljanju posebnih poslova) stav 1 pod f) Pravilnika o radu regulisano je, da ugovor o obavljanju posebnih poslova treba da sadrži „vrsta posla i način izvršenja“.

Revizijom smo utvrdili, da ugovorima o obavljanju posebnih poslova nisu regulisane vrste posla i način njihovog izvršenja, nego je regulisano da će izvršilac poslove obavljati po nalogu šefa Odjeljenja, što nije u skladu s odredbama člana 14 (Forma i sadržaj ugovora o obavljanju posebnih poslova) stav 1 pod f) Pravilnika o radu.

Potrebno je, da ugovori o obavljanju posebnih poslova sadrže sve elemente propisane članom 14 Pravilnika o radu službenika i namještenika u organima javne uprave Brčko distrikta BiH, u dijelu definisanja vrste posla i načina njegovog izvršenja.

Odredbama člana 46 a) stav 2 Zakona o državnoj službi regulisano je, da su posebni poslovi, poslovi koji se obavljaju radi ispunjenja obaveza iz nadležnosti organa javne uprave za koje nisu predviđena radna mjesta. Takođe odredbama člana 13 stav 1 Pravilnika o radu regulisano je, da se u izuzetnim slučajevima, rad u organima javne uprave može obavljati angažovanjem lica radi obavljanja posebnih poslova za koje ne postoje predviđena radna mjesta.

Uvidom u Organizacioni plan Ureda gradonačelnika i stanje popunjenosti sistematizovanih radnih mjesta i obrazloženje prijedloga za angažovanje lica za obavljanje posebnih poslova utvrdili smo, da se ugovori odnose za obavljanje redovnih stručnih poslova iz nadležnosti Ureda gradonačelnika, te da je potreba nastala zbog nepopunjenosti pozicija predviđenih Organizacionim planom Ureda gradonačelnika. Angažovanje lica za obavljanje posebnih poslova u Uredu gradonačelnika, nije u skladu sa odredbama člana 46 a) stav 2 Zakona o državnoj službi i člana 13 stav 1 Pravilnika o radu.

Potrebno je, prilikom angažovanja lica za obavljanje posebnih poslova, dosljedno poštivati odredbe Zakona o državnoj službi u organima uprave Brčko distrikta BiH i Pravilnika o radu službenika i namještenika u organima javne uprave Brčko distrikta BiH, u dijelu angažovanja lica na poslove za koje ne postoje predviđena radna mjesta.

Odredbama člana 14 Pravilnika o radu utvrđena je obaveza organa javne uprave da o zaključenim ugovorima o obavljanju posebnih poslova obavijesti Zavod za zapošljavanje Brčko distrikta BiH, što ima za posljedicu privremeno brisanje angažovanih lica iz evidencije nezaposlenih lica i gubitak zdravstvenog osiguranja.

Zaključenim ugovorima nije definisan obveznik uplate doprinosa za osiguranje od povrede na radu i profesionalnog oboljenja, tako da angažovana lica u toku rada nisu pokrivena zdravstvenim osiguranjem. Zbog mogućeg nastanka povreda na radu i profesionalnih oboljenja u datim okolnostima, mogu se očekivati odštetni zahtjevi koji višestruko premašuju iznose uplaćenih doprinosa nastale primjenom propisane osnovice i stope za obavljanje ovih poslova.

Potrebno je prilikom zaključivanja ugovora, u okviru visine naknade, odrediti obveznika uplate doprinosa za osiguranje od povrede na radu i profesionalnog oboljenja i obezbijediti njeno izvršenje.

6.4.5. Tekući grantovi

Tekući grantovi za 2017. godinu planirani su u iznosu od 1.446.194 KM, a izvršeni su u iznosu od 1.353.494,00 KM, odnosno 93,59% od planiranih sredstava i isti se odnose na:

- grantove neprofitnim organizacijama 1.335.494,00 KM (Tabela 3 Izvještaja)
- grantovi pojedincima 18.000,00 KM

Grantovi neprofitnim organizacijama realizuju se u skladu s Odlukom o kriterijima za dodjelu grantova gradonačelnika Brčko distrikta BiH (“Sl. glasnik Brčko distrikta BiH” broj 21/16), Odlukom o izmjenama odluke o kriterijima za dodjelu grantova gradonačelnika Brčko distrikta BiH od 02.08.2017. godine i Naredbom gradonačelnika, broj: 02-000210/15 od 22.06.2015. godine.

Članom 4 stav (3) Odluke o kriterijima za dodjelu grantova gradonačelnika Brčko distrikta BiH (“Sl. glasnik Brčko distrikta BiH” broj 21/16) regulisano je, da podnosioci zahtjeva obavezno uz zahtjev prilažu i programe utroška sredstava iz kojih je vidljiva svrha utroška sredstava.

Odredbama člana 2 Naredbe gradonačelnika od 22.06.2015. godine regulisano je, da su korisnici granta dužni, uz zahtjev za dodjelu granta, dostaviti dokaze o utrošku odobrenih sredstava iz prethodne godine, u skladu sa odobrenom svrhom i namjenom, odnosno u skladu sa priloženim programima utroška sredstava.

Programima utroška sredstava podnosioci zahtjeva za dodjelu granta obavezuju se, da će dodijeljena sredstva granta utrošiti u svrhe koje su predviđene programima utroška sredstava. A utrošak odobrenih sredstava granta, dokazuje se uz izvještaje o utrošenim sredstvima, u skladu sa svrhom koja je predviđena programima podnosioca zahtjeva u prethodnoj budžetskoj godini, i to kao uslov za dobijanje granta u tekućoj godini.

Uvidom u izvještaje o utrošenim sredstvima, utvrdili smo da pojedini korisnici granta nisu namjenski utrošili sredstva dodijeljenog granta u prethodnoj godini (u najmanjem iznosu od 226.606,00 KM) u skladu sa svojom programima, a istima je odobren grant u 2017. godini, što nije u skladu sa odredbama Odluke o kriterijima za dodjelu grantova gradonačelnika Brčko distrikta BiH i Naredbe gradonačelnika.

Potrebno je, da Ured gradonačelnika dodjeljuje grantove podnosiocima zahtjeva u skladu sa odredbama Odluke o kriterijima za dodjelu grantova gradonačelnika Brčko distrikta BiH i Naredbe gradonačelnika.

6.5. Planiranje i izvršenje kapitalnog budžeta

Odobrena sredstva za kapitalni budžet u periodu od 2015.-2017. godine iznosila su 233.000,00 KM (tabela broj 2 u prilogu izvještaja).

Budžet kapitalnih potreba u 2016. godini, planiran je u iznosu od 152.000,00 KM, te isti u cijelosti nije utrošen.

Kapitalni budžet u 2017. godini planiran je u iznosu 81.000,00 KM, na dan 31.12.2017. godine ostvaren je u iznosu od 22.389,93 KM ili 27,64%.

7. Popis sredstava, potraživanja i obaveza

Ured gradonačelnika je, dana 08.11.2017. godine, donio Odluku o imenovanju komisije za popis sredstava, potraživanja, sitnog inventara, zaliha materijala i obaveza.

Odredbama člana 3 pod a) Uputstva o radu popisnih komisija i obavljanju popisa sredstava, potraživanja i obaveza regulisano je, da popisna komisija ima zadatak da izvrši popis sredstava, potraživanja i obaveza.

Odredbama člana 4 stav (2) Uputstva o radu popisnih komisija i obavljanju popisa sredstava, potraživanja i obaveza regulisano je, da je popisna komisija dužna sačiniti izvještaj o izvršenom popisu.

Odredbama člana 7 pod a) navedenog Uputstva, popisna komisija je dužna da izvještaj o popisu stalnih sredstava, sitnog inventara i zaliha materijala dostavi Centralnoj popisnoj komisiji, najkasnije do 15. januara naredne godine.

Revizijom smo utvrdili, da je popisna komisija sačinila Izvještaj o izvršenom popisu stalnih sredstava, sitnog inventara i zaliha materijala, te da isti nije dostavila Centralnoj popisnoj komisiji u roku koji je propisan Odredbama člana 7 pod (a) Uputstva o radu popisnih komisija i obavljanju popisa sredstava, potraživanja i obaveza.

Potrebno je, Izvještaj o izvršenom popisu stalnih sredstava, sitnog inventara i zaliha materijala, dostaviti Centralnoj popisnoj komisiji u roku koji je propisan odredbama Uputstva o radu popisnih komisija i obavljanju popisa sredstava, potraživanja i obaveza.

8. Komentar

Uredu gradonačelnika Brčko distrikta BiH je uručen Nacrt izvještaja o reviziji finansijskog poslovanja u periodu od 01.01.-31.12.2017. godine, broj: 01-02-03-13-104/18, na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Uredu gradonačelnika se očitovao dopisom broj: 48-000432/17 od 09.05.2018. godine.

Ured gradonačelnika je u navedenom očitovanju dao primjedbe na nalaze, pod tačkama Nacrta izvještaja kako slijedi:

- Uvažili smo vaše primjedbe pod tačkom 6.2. Nacrta izvještaja o obavljenoj reviziji finansijskog poslovanja za 2017. godinu, a koje se odnose na nalaze: imenovaje Komisije za fiskalizaciju u skladu s članom 4 stav (1) Zakona o fiskalnim sistemima i donošenje pravilnika u skladu s odredbama člana 2a stav 2 Zakona o izmjenama i dopunama zakona o javnim preduzećima u Brčko distriktu BiH.
- Uvažili smo vaše primjedbe na nalaz, pod tačkom 6.4.3. Izdaci za konsultantske usluge Nacrta izvještaja o obavljenoj reviziji finansijskog poslovanja za 2017. godinu.
- Primjedbe na nalaze, pod tačkama 6.4.4. Izdaci za stručno usavršavanje i 6.4.5. Izdaci po osnovu ugovora o angažovanju lica za obavljanje posebnih poslova Nacrta izvještaja o obavljenoj reviziji finansijskog poslovanja za 2017. godinu, nismo uvažili iz razloga što nam nije dostavljena dodatna dokumentacija koja bi uticala na izmjenu istih.
- Primjedbe na nalaz pod tačkom 6.4.6. Tekući grantovi, Nacrta izvještaja o obavljenoj reviziji finansijskog poslovanja za 2017. godinu, djelimično smo uvažili u dijelu namjenskog utroška dodijeljenih sredstava granta u iznosu od 270.000,00 KM, iz razloga što je isti analitički planiran Budžetom za 2016. godinu (knjiga budžeta strana 196).
Primjedbe za ostatak nenamjenski utrošenih sredstava granta u iznosu od 226.606,00 KM, nismo uvažili iz razloga što nam nije dostavljena dodatna dokumentacija koja bi uticala na izmjenu nalaza i preporuke, tj. nalaz i preporuka ostaju isti kao u Nacrtu izvještaja.

Tim za reviziju:

Avdija Bašić, dipl. oec.

Ljubica Tomić, dipl. oec.

9. PRILOZI IZVJEŠTAJA O REVIZIJI

Struktura planiranih i izvršenih tekućih izdataka po pozicijama Kancelarije gradonačelnika prikazana je u slijedećoj tabeli:

Tabela broj 1.

Ekon. Kod	Naziv ekonomskog koda	Planirani tekući budžet za 2017. god.	Virmanizacije i amandmani	Konačan plan budžeta za 2017. godinu	Izvršenje tekućeg budžeta za 2017. godinu	Procenat izvršenja 6/5*100	Raspoloživo
1	2	3	4	5	6	7	8
611000	Plate i naknade zaposlenih	25.982.432,14	-1.481.524,22	24.500.907,92	24.129.288,81	98,48	371.619,11
611100	Bruto plate	25.721.132,14	-1.531.241,22	24.189.890,92	23.838.781,83	98,55	351.109,09
611200	Naknade troškova zaposlenih	261.300,00	49.717,00	311.017,00	290.506,98	93,41	20.510,02
612100	Doprinos na teret poslodavca	996.904,42	-112.151,46	884.752,96	840.844,08	95,04	43.908,88
613000	Izdaci za materijal i usluge	5.096.300,00	111.500,00	5.207.800,00	4.926.529,29	94,60	281.270,71
613100	Putni troškovi	39.000,00	11.500,00	50.500,00	41.839,04	82,85	8.660,96
613200	Izdaci za energiju	1.095.900,00	-28.000,00	1.067.900,00	993.937,95	93,07	73.962,05
613300	Izdaci za komun. usluge	330.000,00	5.500,00	335.500,00	317.410,83	94,61	18.089,17
613400	Nabavka materijala	683.500,00	100.500,00	784.000,00	707.634,73	90,26	76.365,27
613500	Izdaci za usl. prev. i goriva	2.679.300,00	-58.500,00	2.620.800,00	2.587.308,28	98,72	33.491,72
613700	Izdaci za tekuće održavanje	211.800,00	80.500,00	292.300,00	227.693,20	77,90	64.606,80
613800	Izdaci osigur., bank. usluge i usl. platnog prometa	56.800,00	0,00	56.800,00	50.705,26	89,27	6.094,74
613900	Ugovorene usluge	3.184.700,00	125.000,00	3.309.700,00	3.063.209,51	92,55	246.490,49
614000	Tekući grantovi	1.633.600,00	-67.500,00	1.566.100,00	1.511.199,98	96,49	54.900,02
614200	Grantovi pojedincima	1.030.600,00	-67.500,00	963.100,00	908.199,98	94,30	54.900,02
614300	Grantovi neprofitnim organizacijama	603.000,00	0,00	603.000,00	603.000,00	100,00	0,00
	Ukupan tekući budžet	36.893.936,56	-1.424.675,68	35.469.260,88	34.471.071,67	97,19	998.189,21

Budžet kapitalnih potreba

Tabela br. 2

God.	Planirani kapitalni budžet po godinama	Izvršenje kapitalnog budžeta do 01.01.2017.	Izvršenje kapitalnog budžeta u 2017.	Izvršeno na dan 31.12.2017. godine (3+2)	Neurošena planirana sredstava na dan 31.12.2017. (1-2-3)	% izvršenja na dan 31.12.2017. (4/1 x 100)
0	1	2	3	4	5	6
2015.	0,00	0,00	0,00	0,00	0,00	0,00
2016.	152.000,00	0,00	0,00	0,00	152.000,00	0,00
2017.	81.000,00	0,00	22.389,93	22.389,93	58.610,07	27,64
Ukupno	233.000,00	0,00	22.389,93	22.389,93	210.610,07	9,61

Grantovi neprofitnim organizacijama

Tabela br. 3

Korisnik	Iznos KM
AMK Silver Wings Brčko	3.000,00
Asocijacija mladih BD BiH	1.000,00
Asocijacija mladih PRO AKTIV BD BiH	4.500,00
Asocijacija SPORTISSIMO Brčko	3.000,00
Atletski Klub Brčko	3.000,00
Atletski Klub Sportissimo Brčko	2.000,00
ATOS-SAVA BČ. Plivač. Extr. Klub	3.000,00
Bošnj. zajednica PREPOROD Brčko	15.000,00
Dječiji kultur. centar Bijeljina	26.000,00
Društvo pedagoga tjeles. i zdrav. raz. Brčko	1.200,00
Društvo žena penzionerki Brčko	1.000,00
FK Grčica	3.000,00
FK Gredice Gredice 1	2.500,00
FK Jedinstvo	2.500,00

FK Mladost Sandići	1.500,00
FK Obilić Brčko	1.000,00
FK Posavina Brod	2.000,00
FUTSAL KLUB Brčko	1.500,00
Gradsko KUD Brčko	6.800,00
Grantovi ostalim organizacijama	3.500,00
Izviđači Brčko distrikt BiH	1.000,00
Kajak klub Zaveslaj Brčko	1.500,00
Karate klub IPPON	4.500,00
KBS Lokomotiva Brčko	1.500,00
Kinološki savez Brčko	1.800,00
KK Brčanka Brčko	1.000,00
KK Partizan Brčko	5.000,00
KICK BOKSING SAVEZ	1.500,00
Klub boril. vještina JEDINSTVO Brčko	10.000,00
Klub malog fudbala "Brčko - Zdravlje"	3.000,00
Klub REAL.AIKIDO Brčko	1.000,00
Košarkaški klub LAVOVI Brčko	4.000,00
KUD Bašćansko sijelo Brčko	1.500,00
KUD Plavi safir Brčko	1.000,00
KUD Srce igra Brez. Polje - Novo naselje	1.500,00
KUD Bijela	5.000,00
Kuglaški klub RAD Brčko	1.500,00
Lovačko udruženje ORAO Brez. Polje	3.000,00
Medžlis Islamske zajednice Brčko	160.194,00
Moto grupa Noćni vukovi	2.000,00
Muški odbojkaški klub Jedinstvo	3.000,00
MZ Brezovo Polje	2.000,00
MZ Gredice	1.000,00
MZ Krbeti	1.000,00
MZ Ražljevo	3.000,00
MZ Skakava Gornja	1.500,00
MZ Štrepci	3.000,00
MZ Vukšić	2.000,00
NK Graničar Brezovo Polje	1.500,00
NK HAŠK Uluvic	2.000,00
NK Ravne Zovik	1.500,00
Nakšibendijska tekija Hulusi	2.000,00
NVO udruženje građ. Romi Brčko	1.000,00
NK Vitanovići 78	2.000,00

Obrazovni centar CIVITAS Sarajevo	20.000,00
Odbojkaški klub Galeb Brčko	2.000,00
Odbojkaški klub Brčko	20.000,00
Odbojkaški klub invalida Brčko	4.000,00
OFK Brezik Brčko	3.000,00
OK Mladost Ražljevo	10.000,00
Opština Pelagićevo	50.000,00
Opština Srebrenica	100.000,00
Opština D. Žabar	40.000,00
OK Tempo Ražljevo	2.000,00
Omladinski centar Vermont	2.500,00
Planinarsko društvo "GRNAŠ"	5.000,00
Planinarsko društvo Čičak Orašje	400,00
Planinarsko društvo Platan Brčko	3.000,00
Plivački klub SAVA BRČKO 1946	1.500,00
Poljoprivredni fakultet Univerz. I. Sarajevo	3.000,00
Radio Brčko distrikt BiH	470.000,00
Rekreat. planin. Klub "Brčko"	3.000,00
Reg. Udruženje amputiraca Bijeljina	2.000,00
Ronilački klub „Jedinstvo Brčko“ Brčko distrikt BiH	1.000,00
Ronilački klub NEMO	3.000,00
SD Veteran Brčko	2.500,00
SPKD Prosvjeta Brčko	2.000,00
Sportsko društvo invalida Boće Brčko	3.000,00
Sportsko ribolovni savez BiH	1.500,00
Srpska pravoslavna opština Kolubarsko Grbavička Brčko	3.000,00
Srpska pravoslavna opština Brčko	67.000,00
Srpska pravoslavna opština D. Žabar	1.500,00
Srpska pravoslavna opština D. Brezik	2.000,00
Srpsko privredno vijeće BD	2.000,00
Srpska pravoslavna opština Grčica	14.000,00
Stonoteniski klub "Brka 2007"	3.000,00
Svetosavska omlad. zajednica Brčko	400,00
Šahovski klub Jedinstvo Brčko	3.000,00
Škola plesa Mambo Brčko	5.000,00
Škola fudbala Sveti Jovan 1 Brčko	1.500,00
TAEKWONDO	4.500,00
TENISKI KLUB Prohema	2.000,00
TK SOL BRČKO	1.000,00

Udruuga film. dani Hrvatskog filma Orašje	3.000,00
Udruž. borilač. sportova SAMURAJ BČ	2.000,00
Udruž. sportskih veterana rekreativci	900,00
Udruž. veter. Boraca RS Brčko distrikt	2.000,00
Udruženje AIT SOFT Klub Kontakt BČ.	2.000,00
Udruženje žena žrtava rata RS	800,00
Udruženje Bošnjakinja Brčko	2.000,00
Udruženje demob. bor. Armije BiH u BD	1.000,00
Udruženje fudbalskih trenera Brčko	2.000,00
Udruženje likovnih umjetnika LIKUM Brčko	8.000,00
Udruženje ljubitelja umjetnosti Brčko	3.000,00
Udruženje Medicinar Brčko	1.000,00
Udruženje računovođa, forenzičara i revizora Brčko distrikta BiH	30.000,00
Udruženje mladih Izvor Brčko	3.000,00
Udruženje za njegu Srpskog kult. nasli. Baštinar	2.500,00
Udruženje oboljelih od MULTIPLASKLEROZE	1.500,00
Udruženje pčelara Matica Brčko	3.000,00
Udruženje porod. pogin. boraca RS Brčko	1.500,00
Udruženje Raja sa Ficibajera	1.500,00
Udruženje sportskih veterana Sendići	1.500,00
Udruženje mladih IHLAS Brčko	3.000,00
Udruženje građana trka za život Brčko	2.000,00
Udruženje građana BiH COLOR Brčko	3.000,00
Udruženje građana Brezopoljska TZ	3.000,00
Udruženje zdrav život Ilidža	900,00
Udruženje građana Centar za kult. i tur. Brčko	1.500,00
Udruženje građana Omladinski pogon Brčko	3.000,00
Udruženje građana Centar demokratije Brčko	22.000,00
Udruženje građana X Centar Brčko	2.000,00
Udruženje roditelja Jelenka Voćkić Brčko	3.000,00
Udruženje građana resursni centar Brčko	2.000,00
Udruženje građana Rotari klub Brčko 1938	2.000,00
Udruženje za kreat. razvoj djece Brčko	1.500,00
Udruženje građana šahovski klub Brčko	1.500,00
Udruženje građana dobitnika zlatni ljiljan Brčko	2.500,00
Udruženje više beba Brčko	2.500,00
Udruženje građana staro ognjište Brčko	2.500,00
UG Olimpijski komitet Sarajevo	1.000,00
Univerzitet I. Sarajevo – Pravni fakultet	3.000,00
Univerzitet I. Sarajevo – Ekonomski fakultet BČ	1.000,00

US i rek. Sportek Brčko	1.000,00
Vjersko dobrot. Starateljstvo arhiep. namj.	3.000,00
Voćni klub Brčko	4.000,00
Župa Svetog Franje Asiškoga Zovik	3.000,00
UKUPNO	1.335.394,00